

Vegagerðin
Jón Helgason
Borgartúni 5 og 7
105 Reykjavík

2003050038
8721; 9310

Reykjavík, 24. júní 2003
/--

Efni: Gjábakkavegur (365) milli Þingvalla og Laugarvatns, Bláskógabyggð. Ákvörðun um tillögu að matsáætlun.

Í samræmi við 8. gr. laga um mat á umhverfisáhrifum er hér kynnt niðurstaða Skipulagsstofnunar um tillögu Vegagerðarinnar að matsáætlun um fyrirhugaðan Gjábakkaveg (365) milli Þingvalla og Laugarvatns.

Skipulagsstofnun barst með bréfi Vegagerðarinnar dags. 13. maí 2003 tillaga að matsáætlun:

- Gjábakkavegur (365) milli Þingvalla og Laugarvatns. Tillaga að matsáætlun. Vegagerðin, VSÓ ráðgjöf maí 2003.

Skipulagsstofnun leitaði umsagnar um tillögu framkvæmdaraðila hjá eftirtöldum aðilum í samræmi við 8. gr. laga um mat á umhverfisáhrifum: Bláskógabyggð, Ferðamálaráði, Fornleifavernd ríkisins, Heilbrigðiseftirliti Suðurlands, Landgræðslu ríkisins, Umhverfisstofnun og Þingvallanefnd. Skipulagsstofnun kynnti tillöguna einnig með fréttatilkynningu og á heimasíðu stofnunarinnar.

Skipulagsstofnun bárust umsagnir og athugasemdir frá eftirtöldum aðilum: Bláskógabyggð með bréfi dags. 21. maí 2003, Ferðamálaráði með bréfi dags. 26. maí 2003, Fornleifavernd ríkisins með bréfi dags. 23. maí 2003, Heilbrigðiseftirliti Suðurlands með bréfi dags. 26. maí 2003, Landgræðslu ríkisins með bréfi dags. 26. maí 2003, Umhverfisstofnun með bréfi dags. 27. maí 2003 og Þingvallanefnd með bréfi dags. 13. júní 2003. Skipulagsstofnun bárust einnig frekari upplýsingar frá framkvæmdaraðila í kjölfar umsagna með bréfi dags. 5. júní 2003 og tölvupósti dags. 13. júní 2003.

NIÐURSTAÐA SKIPULAGSSTOFNUNAR

Í samræmi við 8. gr. laga um mat á umhverfisáhrifum hefur Skipulagsstofnun farið yfir framlagða tillögu framkvæmdaraðila að matsáætlun ásamt þeim umsögnum sem borist hafa

stofnuninni. Skipulagsstofnun fellst á tillögu framkvæmdaraðila að matsáætlun með þeim viðbótum sem koma fram í svörum framkvæmdaraðila dags. 5. og 13. júní 2003 og með eftirfarandi athugasemdum.

Athugunarsvæði

Í tillögu að matsáætlun, kafla 4.1, er fjallað um afmörkun áhrifasvæðis framkvæmdarinnar og því skipt upp í þrjú svæði. Skipulagsstofnun vill benda á að athugunarsvæði verði haft nægilega vítt því í matsvinnu kunna að koma fram upplýsingar um mismunandi umhverfisþætti sem leitt gætu til þess að færa verði veglínu frá því sem kynnt er, t.d. vegna fornminja sbr. umsögn Þingvallanefndar um legu tengingar veglínu L6 við veg 36-04. Beinna áhrifa framkvæmdar kann t.d. að gæta út fyrir þá 50 m frá veglínu þar sem áhrifasvæðið er skilgreint þrengst í tillögu að matsáætlun og sjónrænna áhrifa einnig víðar sbr. ábendingu Umhverfisstofnunar um að þau séu víðfeðmari en bein áhrif á landslag og jarðmyndanir. Þetta á einnig við um athugunarsvæði þar sem námuvegir kunna að verða lagðir, á hugsanlegum námusvæðum og við tengiveg að Laugarvatnshellum.

Útivist

Skipulagsstofnun bendir á að í Aðalskipulagi Laugardalshrepps 2000-2012 er sýnd göngu- og reiðleið í núverandi vegstæði Gjábakkavegar. Fjalla þarf um þennan þátt í matsskýrslunni í tengslum við framtíðarnýtingu eða frágang á Gjábakkavegi.

Skipulag

Skipulagsstofnun bendir á að í matsskýrslu þarf að koma fram að framkvæmdirnar séu háðar framkvæmdaleyfi Bláskógabyggðar skv. 27. gr. skipulags- og byggingarlaga nr. 73/1997 m.s.b. Aðalskipulag sé ekki fyrir hendi í þeim hluta sveitarfélagsins sem áður tilheyrði Þingvallahreppi og þurfi sveitarstjórn Bláskógarbyggðar að leita meðmæla Skipulagsstofnunar með veitingu framkvæmdaleyfis skv. 3. tl. bráðabirgðaákvæða skipulags- og byggingarlaga. Skipulagsstofnun bendir á að Svæðisskipulag Þingvalla-, Grímsnes- og Grafningshrepps 1995-2015 hefur verið fellt úr gildi, sbr. auglýsingu í B-deild Stjórnartíðinda nr. 324/2003 (28. apríl 2003).

Hólmfríður Sigurðardóttir

Þóroddur F Þóroddsson

Afrit: Bláskógabyggð, Ferðamálaráð, Fornleifavernd ríkisins, Heilbrigðiseftirlit Suðurlands, Landgræðsla ríkisins, Umhverfisstofnun og Þingvallanefnd